

ጾኑሲ ማደም ዳኪንቴ ጳውሎሴ ኪኢቶ ዔፕሶኔ ዓጮ ዓሶም ዓይያ ካር

ጳውሎሴ ዔፕሶኔ ዓሶም ፃኣፔ ኪኢታ ባሼና ዔርዛሢ፡- «ጾኑሲ ማሊያ ጮሪንጮና ሳዖናይዳ ዓኣ ባኮ ቢያ ፔቴ ማሂ፡ ፔቴ ኪሪሰቶሴ ቢታንቶ ዴማ ማሂሂኬ» ጋዓ ማሊያኬ (1:10)። ሃሃ ጊንሃ ዬሱሰ ኪሪሰቶሴና ማዒ ዓሲኮ ዜርሢ ፔቴ ማዓንዳጉዲ ሃያ ዴኤፖ ማሊያ ማደይዳ ዔያታ ፔኤቫንዳጉዲ ጾኑሲኮ ዴርም ዔርዛያኬ።

ዔፕሶኔ ኪኢቶኮ ዓይያይዳ ፃኣፓ ዓሢ ዓሲኮ ፔቴም ዛላ ዓርቄ ማሊያ ዳልጊሺሢሂና ጾኑሲ፡ ዓዳሢ ፔኤኮ ዴር ዎዲ ዶኣሬቴያ፤ ሃሃ ፔኤኮ ናዖ፡ ዬሱሰ ኪሪሰቶሴ ዛሎና ዔያቶኮ ጎማ ዓቶም ጌይንቴም ዎይቲ ዔያታ ጌኤሸኬቴያ ጾኑሲኮዎ ዴኤፖ ሃጊ ማዓንዳ ዎዛ ዓያና ጌኤዢ ዛሎና ዎይቲ ጎናዲ ዔርቴቴያ ኬኤዛኬ። ላምዓሲ ኬኤዛ ማሊያይዳ ፃኣፓ ዓሢ ሃና ኪኢቱሎናባባ ዓሶኮ ፔቴም ናንጋ ዔያቶኮ ኪሪሰቶሴና ዓኣ ፔቴማ ጎኔ ማዓንዳጉዲ ዎይቲ ዔያታ ናንጋንዳያ ኮይሳቴያ ኬኤዛኬ።

ዓሳ ኪሪሰቶሴና ዓኣ ፔቴምና ዎይቲ ፔቴይዳ ናንጋጊ ዳንዳዓቴያ ዴማ ዴማ ኮኣኪንሢ ማዓ ሃይሴና ኬኤዚንቴኔ፤ ዬይያ፡- ሺኢጲያ ማኣር ዓሳ ፔቴ ዑሢጉዲ ማዓዛ ኪሪሰቶሴ ቶኣካሢኬ፤ ሃሃ ሺኢጲያ ማኣር ዓሳ ማኣር ማዓዛ፡ ኪሪሰቶሴ ማኣርኮ ሃላሢኬ፤ ሺኢጲያ ማኣር ዓሳ ማቸጉዲ ማዓዛ፡ ኪሪሰቶሴ ዓኒጉዲ ማዓኔ፤ ፃኣፓ ዓሢ፡- ኪሪሰቶሴ ዛሎና ፔጋዴ ጾኑሲኮ ኮሹም ዒንጊያ ማርገና ሄርሺ ሄርሺ ኬኤዛ ዎዶና ኮሺ ዓኣሺንቴ ማሊሢ ኬኤዛኬ፤ ቢያ ባኣዚ ዒ ዛጋሢ ኪሪሰቶሴኮ ናሹምና ጾኑሲም ዒንጎ ባኣዚ ማዒ ዒንጊንቶና ጎም ዓሶኮ ዓቶም ጌይያና ዒዛኮ ኮሹም ዒንጊያና ጌኤሹምና ካንሢኬ።

ማፃኣፔላ ዴማ ዴማ ዓርቄ ባኮ

- ዓይያ ካር (1:1-2)
- ኪሪሰቶሴና ሺኢጲያ ማኣር ዓሶና (1:3—3:21)
- ኪሪሰቶሴና ጴዳ ዓኪ ናንጊ (4:1—6:20)
- ጋፒንሢ ሃይሴ (6:21-24)

1 ጾኑሲ ማሊሢና ዬሱሰ ኪሪሰቶሴ ማደም ዳኪንቴያ ማዒ፡ ጳውሎሴፓ ዬሱሰ ኪሪሰቶሴ ዛሎና ጉሙርቂንታያ ማዒ፡

ዴፕሎኔይዳ ዓኣ ያኦሲም ዲማዴዘንሢም፤

2 ኑ ዓዳሢ ኦኦኮ ያኦዘሢና ኑ ጎዳ ዬሱስ ኪሪስቶሴኮ ኮሹሞ ዒንጊያና ዎዘና ዒንሢም ማገም።

ኪሪስቶሴ ዛሎና ጴዳ ዓያና ዓንጅ

3 ጫሪንጮይዳ ዓያኖ ዓንጅ ዒንጊሢና ኪሪስቶሴ ዛሎና ኑና ዓንጅ፡ ኑ ጎዳ ዬሱስ ኪሪስቶሴኮ ዓድ ማዔ፡ ያኦዘሢ ጋላቲንቶንጎ።

4 ያኦሲም ኑ ዲማዴያ ሃሃ ሶሃሳ ባኣዚ ባኣያ ማዒ ዒዛ ቤርታ ኑ ጴዳንዳጉዲ፡ ዓጫ ማዢንቱዎንቲ ኪሪስቶሴ ዛሎና ኑና ዒ ደኦሪ።

5 ያኦሲኮ ናሹሞና ዒዛኮ ኮሺ ማሊሢ ማዔም ዬሱስ ኪሪስቶሴ ዛሎና ዒዛኮ ኑ ናይ ማዓንዳጉዲ ቤርታዲ ዒ ማሌ። 6 ዬያ ዒ ማዴሢ ፔኤኮ ዒ ናሸካ ናዓሢ ዛሎና ጉሪ ኑም ዒንጊንቲ፡ ሶንቹንቲ ዒንጊያ ጋላቲንታንዳጉዲኬ። 7 ያኦዘሢኮ ኮሹሞ ዒንጊያ ማርጉማፓ ዔቁያና ዒዛኮ ናዓሢ ሱጉያና ኑ ጎማፓ ጌኤሸከ፡ ጎማፓ ማኦሪንቲሢያ ኑ ዴንቁ። 8 ያኦሲ ፔኤኮ ኮሹሞ ዒንጊያ ፔ ዔራቶና ፔ ማሊያ ዳልጉሞና ማርጊሺ ኑም ዒንጊ። 9 ሃሃ ዒዚ ፔ ኮሹሞና ኪሪስቶሴ ዛሎና ቤርታዲ ዒ ማሌ ጎይያና ዒዛኮ ኮዢ ማሊያኮ ዓኣሺንቲ ባኮ ኑና ዔርዜ። 10 ያኦሲ ማሊያ ማዴይዳ ፔኤቃንዳሢ ጫሪንጮና ሳያናይዳ ዓኣ ባካ ቢያ ፔቱሞና ኪሪስቶሴ ቢታንቶ ዴማ ማዓኣናኬ።

11 ቢያ ባኮ ፔ ማሊያና ማዴ፡ ያኦዘሢ ማሊያ ጎይያ ዒዛ ማሊያ ጋሪ ኑ ማዔሢር ሃሃ ኪሪስቶሴ ዛሎና ኑ ደኦሪንቲ። 12 ዬይ ያዲ ማዔሢ ቤርታዲ ኪሪስቶሴይዳ ሃጊ ማዓንዳ ዎዛ ኑ ጌሢ ጎይያና ኑ ዛሎና ያኦሲም ሶንቹና ጋላታና ማዓንዳጉዲኬ።

13 ዒንሢያ ዒንሢኮ ዳቁንቶ ኮዢ ሃይሶ ማዔ፡ ጎኑም ቃኣሎ ዎይዜ ዎዶና ኪሪስቶሴ ዒንሢ ጉሙርቁ፤ ዒዚያ ዒንሢም ዒንጋኒ ሃጊ ማዓንዳ ዎዛ ማሃ ጌሢ፡ ዓያኖ ዒንሢም ዒንጊያና ዒንሢኮ ዒዛር ማዒያ ዔርቲ። 14 ያኦሲ ሶንቹንቲ ጋላቲንታንዳጉዲ ዒዚ ፔኤም ማዔዘንሢ ጎማ ዓይሉሞይዳፓ ኬሲ ዔካንዳያ ሄላንዳኣና ዓያኖ ጌኤዢ ኑም ጊኣጊሸና ባኮ ዔኪሳኒ ዓይሢ ማሃ ዒንጎናያኬ።

ጳውሎሴ ዴፕሎኔ ዓለም ሺኢቁ ሺኢጲያ

15 ዬያር ጎዳ ዬሱስ ኪሪስቶሴና ዓኣ ዒንሢኮ ጉሙርቁያና ያኦሲም ዲማዴዘንሢ ቢያ ዒንሢ ናሸካ ናሹሞና ታ ዎይዚ፡ 16 ታኣኒ ሺኢቃ ዎዶና ቢያ ዒንሢም ማሊ ማሊ ዒንሢ ዛሎር ያኦሲ ጋላቲያ

ሃሽባኣሴ። 17 ቦንቾ ኮይሳ፣ ኑ ጎዳሢ ዩሱስ ኪሪሰቶሴኮ ባዶ ማዔ፣
 ጾካዛሢ ኮሺ ዒንሢ ዔራንዳጉዲ ዔራቶና ዓኣሺንቴ ባኣዚ ዔርዛያ
 ማዔ፣ ዓያና ዒንሢም ዒንገንታንዳጉዲ ታ ሺኢቃኔ። 18 ዎዚጉዴ
 ሃገ ማዓንዳ ዎዛም ዒንሢ ዔኤሊንቴቴያ፣ ሃሃ ጌኤዠ ዓሳ ዔካንዳ
 ቦንቾንቴ ባካ ዎዚጉዲ ዲቤቴያ ዒንሢ ዔራኒ ዒና ዒንሢኮ
 ቡሊንታንዳጉዲ ጌዒ ታ ሺኢቃኔ። 19 ዩያጉዲ ሃሃ ኑና ኪሪሰቶሴ
 ጉሙርቃዛንሢም ገኢገንቴ ዎልቃ ዎዚጉዲ ዶዲ ማዔቴያ ዒንሢ
 ዔራንዳጉዲ ታ ሺኢቃኔ፤ ዩያ ኑገዳ ማዳ ፑኡፖ ዎልቆ፣ 20 ጾኦ፤
 ዓዳሢ ኪሪሰቶሴ ሃይባፓ ዔቂሶና ጫሪንጮይዳ ፔኤኮ ሚዛቆ
 ዛላ ዴይሢያና ኪሪሰቶሴ ዛሎና ዳዌ። 21 ዒዚ ኪሪሰቶሴ
 ጫሪንጮ፣ ፔኤኮ ሚዛቆ ዛላ ዴይሢሢ ዓይጎ ካኣታቶና ቢታንቶናኮ
 ዎልቁሞና ጎዳቱሞናኮዎ ዑፃሲኬ፤ ዩያጉዲ ሃያ ዓጫ ሌሊቱሞንቴ
 ሃገ ሙካንዳ ዎይይዳኣ ሱንሢፓ ቢያ ዑሣ ዓኣዴ ቦንቾንታ ሰንሢ
 ዒዛም ጌሢኬ። 22 ቢያ ባኣዚ ዒዛ ቢታንቶኮ ዴማ ማዓንዳጉዲ
 ማሄኔ፤ ሺኢዲያ ማኣሮ ዓሶና ቢያ ባኣዚኮዎ ዑፃ ማሄ፣ ዶኦሪ ጌሢኔ።
 23 ሺኢዲያ ማኣሮ ዓሳ ዒዛ ዑፃ ኩሙሢ ማሃያ ማዓዛ፣ ቢያ ባካ
 ዒዛና ኩሙሢ ማዓኔ።

2

ኪሪሰቶሴና ሃይቢፓ ናንገ ባንሢ ፒንቂሢ

1 ዒንሢ ዒንሢኮ ዳቢንቶና ጎሞ ዛሎና ቤርታ ዓያና ናንጎ ዛሎና
 ሃይቂያኬ፤ 2 ዩያ ዎዶና ሃያ ዓጮኮ ፑርቶ ማዶ ማዶ ማዶ ዳቢንቲና
 ጎሞናይዳ ዒንሢ ናንገያኬ፤ ዩያጉዲ ሃሃ ሳጾኮ ዑፃ፣ ዠባራ ዓኣ
 ፑርቶ ዓያና ዓይሢሢ፤ ሃሢያ ጾኦ፤ ሃይሢ ማዶ ማዶ ማዶ ማዶ ማዶ
 ዒንሢ ኩንሢ። 3 ኑኤኒያ ቢያሢ ዩያ ዓሶ ባኣካ ኑኤኮ ዓሱሞ
 ማሊያ፣ ዒናሲ ኩንሢ ኩንሢ ሃያኮ ቤርታ ኑም ኮይሳ ጎይሢ ኑ
 ናንገ፤ ሃሃ ዓቲ ዩያ ዓሶጉዲ ኑ ሸይንታፓ ዓርቃያ ጾኦ ዳጋሳ
 ዓሲኬ።

4 ጋዓንቴ ማኣሪያና ያርጎቺ ማዔ ጾካዛሢ ኑና ዒ ናሽኬ፣
 ዴኤፖ ናሹማፓ ዔቂያና፣ 5 ዎዚ ኑ ዳቢንቶና ሃይቂያ ማዔቴያ
 ኪሪሰቶሴና ናንገ ኑም ጾኦ ዒንጌ፤ ዒንሢያ ዳቂሢ ዒዛኮ ኮሹሞ
 ዒንገያናኬ። 6 ጾኦ ዩሱስ ኪሪሰቶሴና ዎላ ኑና ሃይባፓ ዔቂሰ፣
 ዩሱሴና ዎላ ጫሪንጮ ዒ ዓኣ ቤዛ ኑና ጌሢኔ። 7 ዩያ ዒ ማዶሢ
 ሙካ ዎይይዳ ዩሱስ ኪሪሰቶሴ ዛሎና ፔ ኮሹሞና ኑም ፔጋሲ
 ዳዎ ኮሹሞ ዒንገያ ሚርጉሞ ዔርዛኒ ኮዒኬ። 8 ዓይጎር ጌዔቴ

1:20 1:20 ዓይኑ. 110:1። 1:22 1:22 ዓይኑ. 8:6። 1:23 1:23 ቆላ.
 1:18። 2:5 2:5 ቆላ. 2:14።

ዒንሢ ዳቄሢ ጉሙርቁሢና ያኦሲኮ ኮሹሞ ዒንጊያ ዛሎናኬ፤ ዬይ ያኦሲ ዒንጊሢ ማዓንዳኦጋዓቲም ዒንሢ ማደና ጴዳያቲዋሴ።
9 ሃይ ዳቄንታ ጴዳሢ ማደናቲዋኦሢሮ ዓይጎ ዓሲያ ሄርሺንታኒ ኮይሱዋሴ፤ 10 ዓይጎሮ ጌዔቲ ኦኦኒ ሴርታዲ ያኦሲ ጊኦጊሹ፤ ኮዡ ማደ ማዳንዳጉዲ ዬሱስ ኪሪሰቶሴ ዛሎና ማዡንጉቲ ያኦሲ ማዡንጉቲ።

ኪሪሰቶሴና ጴዳ ፔቲሞ

11 ዬያሮ ዒንሢ ሴርታ ሸይንቶና ዓይሁዴ ማዒባኦ ዓሳ ዓይሁዴ ዓሳ ዔያቶኮ ዓቲንቶ ሴርቶ ዓሲ ቲቄያታንጉቲ ሄርሺንቲ ሄርሺንቲ፡- «ዒንሢ ዓቲንቶ ሴርቶ ቲቄንቲባኦዘንሢ ሃይ!» ዒንሢ ጋዓሢ ማሉዋቲ። 12 ዬና ዋደና ዒንሢ ዒሰሪዔኤሌ ዜርሢ ጌይንቲዋያ ሃሢ ሴርታ ዔያቶም ጫኦቆና ጫኦቁሞኮ ዙላ ማዒ፤ ሃያ ዓጮይዳ ሃጊ ማዓ ዋዛ ባኦያ ማዒ ጊንሢ ያኦሲዳፓኦ ዲማዲ ኪሪሰቶሴያ ዔፎዋያ ዒንሢ ናንጋኔ። 13 ሃሢ ጋዓንጉቲ ሴርታ ዒንሢ ሃኪ ዓኦ ዓሳ ዬሱስ ኪሪሰቶሴ ዛሎና፤ ሃሢ ዒዛኮ ሱጉያና ያኦሲ ባንሢ ዒንሢ ዑኬኔ። 14 ሴርታ ኦና ፓቄ ዋላ ካኦም ላኦጌ ባኮ ሺኦሺ፤ ዓይሁዴና ዓይሁዴ ማዒባኦ ዓሶና ፔቲ ማሂ ቡኩሴሢ ኪሪሰቶሴኬ። 15 ኮሹሞ ዒንጋኒ ላምያ ዴሮይዳፓ ዒዛና ፔቲ ማዓ፤ ፔቲ ዓኪ ዜርሢ ማሂ ማዡን ምጎኮ ዓይሢያና ማደ ጎይያና ፔ ሃይቦና ባይዜኔ። 16 ኪሪሰቶሴ ፑርቶ ዓሶ ሱያ ሚያይዳ ሃይቄ፤ ዋላ ካኦሙዋ ዓሶዋ ካንሢ ላምያ ዜርያ ፔቲ ማሂ ያኦሲና ዋላ ቡኩሴኔ። 17 ዒዚ ሙኪ ዒንሢ ያኦሲፓ ሃኪ ዓኦ ዓሶና ዑኬ ዓኦ ዓይሁዴ ዓሶናም ኮሹሞ ዛላ ኬኤዜኔ። 18 ዬያሮ ኦኦኒ ቢያሢ ዒዛ ዛሎና ፔቲ ዓያናና ማዒ ዳዲሢ ባንሢ ሙካኒ ዳንዳዓኔ።

19 ዓካሪ ዒንሢ ያኦሲም ዲማዴዘንሢና ዋላ ፔቲ ዓጪ ዓሲ፤ ሃሃ ያኦሲ ማኦሪ ዓሲ ማዓንዳኦጋዓቲም ሃካፓ ሴካ ዒንሢ ሸኦቹና ቤቲ ሙኬ ዓሲናቲዋሴ። 20 ያኦሲ ማደም ዳኪንጉቲዘንሢና ያኦሲ ማሊያ ኬኤዛ ዓሳ ዓርቄ ቦኦኮላሢዳ ዒንሢ ማዡንጉቲ፤ ማኦርኮዋ ሄሎ ማዔ ሹጫሢ ዬሱስ ኪሪሰቶሴኬ። 21 ማኦር ማዡ ባካ ቢያ ዒዛና ካኦሚ ካኦሚ ጎዳም ዲማዴ ጌኤሺ ማኦሪ ማዒ ማዡንጉቲ። 22 ያኦሲ ፔ ዓያናና ዋርቃ ማኦሪ ማዓንዳጉዲ ኪሪሰቶሴ ዒንሢያ ማዡንጉቲ።

3

ጳውሎሴ ዓይሁዴ ማዒባኦ ዓሶም ማዴ ባኮ

2:16 2:16 ቆላ. 1:20። 2:17 2:17 ዒሲ. 57:19።

1 ዬያሮ ዒንሢ፡ ዓይሁዳ ማዒባኣ ዓሰም ዬሱስ ኪሪስቶስ ዛሎና ማዳሢሮ ቱኡቲ ዓኣ፡ ታኣኒ ጳውሎስ ያኦሲ ሺኢቃኔ። 2 ዒንሢም ታ ማኣዳንዳ ማዶ ኮሹሞ ዒንጊያና ያኦሲ ታኣም ዒንጊሢ ዒንሢ ዋይዜኔ። 3 ቤርታ ታ ዒንሢም ዳካና ፃኣፔሢፕዲ ያኦሲ ዓኣሺንቴ ባኣዚ ታና ፔጋሲ ዳዌኔ። 4 ሃሢ ታ ዒንሢም ፃኣፔሢ ዒንሢ ናባቤቶ ኪሪስቶስ ዛሎ ዓኣሺንቴ ባኮ ታ ዔሬያ ማዔሢ ዒንሢም ጴዳንዳኔ። 5 ዬይ ዓኣሺንቴ ባካ ያኦሲ ዓያኖ ዛሎና ያኦሲም ዱማዳ፡ ዒዛ ማዶም ዳኪንቴዘንሢና ዒዛኮ ማሊያ ኬኤዛዘንሢም ሃሢ ጴዳ ጎይያ ሚናኣ ዋዶና ዓኣ ዓሰም ጴዳባኣሲ። 6 ዬይያ፡ ኮዠ ሃይሶ ዛሎና ዓይሁዳ ማዒባኣ ዓሳ ዓይሁዳ ዓሰና ዋላ ያኦሲ ዒንጋ ዓንጃ ዔካያ፡ ፔቲ ዑሢኮ ዱማ ዱማ ቤዘጉዲ ማዓያ ሃሢ ያኦሲ ዬሱስ ኪሪስቶስ ዛሎና ዒንጌ ሃጊ ማዓንዳ ዋዘ ዋላ ዔካያ ማዔሢ ዔያቶም ጴዳባኣሲ ጌይሢኩ።

7 ያኦሲ ፔ ዋልቆና ማዳ ጎይያ ታኣም ዒንጌ ኮሹሞ ዒንጊያና ሃያ ኮዠ ሃይሶ ማዶ ታ ማዳያ ማዔኔ። 8 ዋዚ ታኣኒ ያኦሲም ዱማዳ ዓሰይዳፓ ላኣፓ ማዔቲያ ዛጳባኣ ኪሪስቶስኮ ሾርጎቹሞ ዓይሁዳ ማዒባኣ ዓሰም ታ ኬኤዛንዳጉዲ ሃይ ኮሹሞ ዒንጊያ ማዳ ታኣም ዒንጊንቴኔ። 9 ዬያጉዲ ሃሢ ቢያ ባኮ ማዜ ያኣዛሢ ሃያኮ ቤርታኣ ዋዶይዳ ዓኣቹ ጌሢ ዓኣ ዒዛኮ ማሊያ ዓይጎ ማዔቲያ ቢያሢም ታ ዔርዛንዳጉዲ ሃይ ኮሹሞ ዒንጊያ ማዳ ታኣም ዒንጊንቴኔ። 10 ዬይ ማዔሢ ሃሃኣ ዋዶ ሺኢጲያ ማኣሮ ዓሰ ዛሎና ጨሪንጫ ዓኣ ሱኡጎና ቢታንታ ዓኣ ማዠንቶና ያኦሲኮ ዔራቶሞ ዱማ ዱማ ጎይሢና ዔራንዳጉዲኩ። 11 ኦጎዳ፡ ዬሱስ ኪሪስቶስ ዛሎና ያኦሲ ዬያ ማዳሢ ቤርታፓ ዓርቃያ ማዳኒ ማሌ ጎይያናኩ። 12 ኪሪስቶስ ኦ ጉሙርቄ ጎይያና ያኦሲ ቤርቶ ዒጊቹሞ ባኣያ ዶዲ ኪሪስቶስና ኦ ሙካኒ ዳንዳዓኔ። 13 ዬያሮ ሃይ ታና ዒንሢ ዛሎሮ ሄሌ ሜታሢ ዒንሢኮ ቦንቾ ማዔሢሮ ሃጋኣ ዋዛ ባኣያ ዒንሢ ማዑዋጉዲ ታ ዒንሢ ሺኢቃኔ።

ጳውሎስኮ ዴፕሶኔ ዓሰም ሺኢጲያ

14 ዓካሪ ያኦሲ፡ ዓዳሢ ቤርታ ጉሞዓቲ ታ ሺኢቃሢ ዬያ ዛሎኩ። 15 ጨሪንጫና ሳያናይዳ ዓኣ ፔቲ ማኣሮ ዓሳ ሱንያ ዴንቃንዳሢ ያኦሲዳፓኩ። 16 ዒንሢኮ ጋሮ ዒኖ ዶዲሻ ዋልቄ፡ ዓያኖ ዛሎና ያኦሲ ፔኤኮ ቦንቾ ዴኤፔማፓ ዒንሢም ዒንጋንዳጉዲ ታ ሺኢቃኔ። 17 ዬያጉዲ ሃሢ ዒንሢኮ ጉሙርቄያና ኪሪስቶስ

3:6 3:6 ቆላ. 1:26-27::

ዒንሢ ዒና ናንጋንዳጉዲ፤ ሃሃ ዒንሢኮ ፃጵና ዒይፃና ናሹሞና ደዲ ማዓንዳጉዲ ታ ሺኢቃኔ። 18 ሃሃ ጊንሢ ኪሪሰቶሴ ናሹሞኮ ዳልጉሞ፣ ያደሱሞ፣ ጳጉሞ፣ ሊካ ዔታዲፃኣ ሞሚታቲ ያኦሲም ዲማዴዘንሢንታ ቢያ ዒንሢ ዔራንዳጉዲና፣ 19 ዔርታያፓ ዑሣ ዓኣጳ ማዔ፣ ኪሪሰቶሴኮ ናሹሞ ዒንሢ ዔራንዳጉዲና ያኦሲ ፓጩ ባኣዚ ባኣያ ማዔሢጉዲ ዒንሢያ ያዲ ማዓንዳጉዲ ያኦሲ ታ ሺኢቃኔ።

20 ዬያር ኑጊዳ ማዳ ዎልቆ ዛሎና ኑ ሺኢቃሢና ማላሢናይዳፓ ዑሣ ዓኣጳ ማዳኒ ዳንዳዓ ያኦዛሢም፣ 21 ሺኢጲያ ማኣር ዓሶና ዬሱሰ ኪሪሰቶሴ ዛሎና ዎዶ ቢያይዳ ቦንቾ ዒዛም ማዎንጎ።

4

ኪሪሰቶሴ ዓኣ ዓሶኮ ፔቱሞ

1 ዓካሪ ያኦሲ ዒንሢ ናንጎንጎ ጌዒ ዔኤሌ ናንጎ ዒንሢ ናንጋንዳጉዲ ጎዳ ማዶ ዛሎር ቱኪንቲ ዓኣሢ፣ ታኣኒ ዒንሢ ሺኢቃኔ። 2 ቢያ ዎዴ ሴካና ሃንጋና ዎሊ ናሽኪሢና ሃሃ ሚጩንቲሢና ኮሹሞና ዳንዳዒሢና ዓኣያ ማዒ ናንጉሞቲ። 3 ኮሹሞና ናንጊ ናንጊ ዓያና ጌኤዙ ዛሎና ጴዳ ፔቱሞ ናንጎ ደዲ ካቸሞቲ። 4 ዒንሢ ፔቲ ሃገ ማዓ ዎዛም ዔኤሊንቲያ ማዔሢጉዲ ፔቲ ዑሢና ፔቲ ዓያናና ዒንሢኮ ዓኣኔ። 5 ዬያጉዲ ሃሃ ፔቲ ጎዳ፣ ፔቲ ጉሙርቂሢና ፔቲ ዎኣሢ ማሰቲሢና ዓኣኔ። 6 ሃሃ ዬያ ቢያይዳፓ ዑሣ ማዔ፣ ቢያሢና ማዳ፣ ቢያሢና ናንጋ፣ ቢያሢኮ ዓዶ ማዔ፣ ፔቲ ያኦሲ ዓኣኔ።

7 ጋዓንቲ ኪሪሰቶሴ ዒንገኒ ማሌ ጎይያ ኑና ፔቲ ፔቲሢም ያኦሲኮ ኮሹሞና ዒንጎ ዒንገፃ ዒንገንቲኔ። 8 ዬይያ፡-

«ሌካ ዒ ኬሰኬ ዎዶና ሚርጌ ዓሲ ዲዒ ዔኪ ዒ ዓኣጳኔ፤ ሚርጌ ዓሲማኣ ሚርጌ ዒንገሢ ዒንገኔ»

ጌይንቲሢ ጉዲከ። 9 ዓካሪ «ሌካ ኬሰኬ» ጌይያ ለካ ሳዎ ዴሞ ኬዴያ ማዒባኣያታቲ ሚሌ ዓይጎ ዳዎይ? 10 ዬይ ለካ ዴሞ ኬዴሢ ሳዎና ጩሪንጩና ዒኢካ ዓኣ ባኮ ቢያይዳ ጴዳያ ማዓኒ ጩሪንጩኮ ቢያ ዑያ ኬሰኬሢከ። 11 ዒዚ ፔቲ ፔቲሢ ያኦሲ ማዶም ዳኪንቲዘንሢ፣ ያኦሲ ማሊያ ኬኤዛዘንሢ፣ ኮዙ ሃይሶ ኬኤዛዘንሢ፣ ያኦሲ ዓሶ ሄንቃዘንሢና ዔርዛዘንሢ ማዓንዳጉዲ ዒንገሢ ዒንገኔ። 12 ዬያ ዒ ማዴሢ ዒዛኮ ዑያ ማዔ፣ ሺኢጲያ ማኣር ዓሶ ዲቻኒና ዒዛ ጉሙርቂ ዓሶ ያኦሲ ዓሲ ማዳ ማዶ ማዳንዳጉዲ ገኢገሻኒከ። 13 ዬያጉዲ ሃሃ ያኦሲ

4:2 4:2 ቆላ. 3:12-13። 4:8 4:8 ዓይኑ. 68:18።

ናዓሢ ጉሙርቆሢና ዔሪሢ ሃላና ጴዳ ፔቱሞ ዴንቁ፥ ኪሪሰቶሴ ፓጩ ባኣዚ ባኣያ ኩሙሢ ማዔሢጉዲ ኑኡኒ ኩሙሢ ዓሲ ማዓንዳጉዲኤ። 14 ዓካሪ ሃካፓ ሴካ ዓሶኮ ደቢሻ ጌሺያ ዔርዚያ ዠባርና ሴካ ሃንጋ ጌዒ ጌዒ ናይ ኑ ማዓካኤ። 15 ዩያይዳፓ ጎኑሞ ናሹሞ ዓያናና ጌሰቲ ጌሰቲ ቶኦካሢ ማዔ፥ ኪሪሰቶሴ ማላኒ ቢያና ኑ ዲዲጫንዳኔ። 16 ዑዖኮ ዲማ ዲማ ዓኣ ቤዛ ካኣማሢ ኪሪሰቶሴናኬ፤ ዑዖ ቢያ ሞላ ዓርቁንቲ ዓኣሢ ዲማ ዲማ ካኣማ ካራናኬ፤ ዩያሮ ፔቱ ፔቱ ዑዖኮ ቤዛ ፔኤም ዒንጊንቲ ማዶ ማዳዛ፥ ዑዖ ቢያ ናሹሞና ዲጩ ዲጩ ዴኤፓኤ።

ኪሪሰቶሴና ጴዳ ዓኪ ናንጊ

17 «ሃይፓ ሴካ ፓሡሞ ማላሢና ናንጋ፥ ዓይሁዴ ማዒባኣ ዓሶጉዲ ናንጊፖቲ» ጌዒ ጎዳ ሱንፆና ታ ዒንሢሞ ላቲ ዘራኔ፤ 18 ዔያቶኮ ዒኖ ባይቁያይዳፓ ዔቁያና ዔያታ ጳቂሡሞኣሢሮ ዒና ዔያቶኮ ደሜኔ፤ ዖኦሲ ዒንጋ ናንጎይዳፓኣ ዔያታ ሃኬኔ። 19 «ዓሲ ሞዚ ጋዓንዳይ» ጋዓ ማላሢ ዔያቶኮ ባይቁሢሮ ፔና ፑርታ ማዶም ዓኣሢ ዒንገኔ፤ ዩያሮ ቢያ ሞዴ ቦርሲሳ ባኣዚ ማዳኒ ኮሺ ዔያታ ኮዓኔ።

20 ዒንሢ ጋዓንቲ ኪሪሰቶሴ ዘሎና ዔሪሢ ያዲቱሞሴ፤ 21 ጎኔና ዒንሢ ዒዛ ዘሎ ሞይዜኔ፤ ጎኑሞ ዩሱሴና ዓኣሢያ ዒዛይዳፓ ዒንሢ ዔሪኔ። 22 ዩያሮ ጌሺ ዒንሢ ጎሜ ባንሢ ዔኪ ዓኣዳ ማሊያና ፑርቲያ፥ ሚና ቤርታ ዒንሢ ናንጋ ናንጎ ሃሹሞቲ። 23 ዒና ዒንሢኮ ላኣሚንቲ ዓኪ ማዖንጎ። 24 ጎኔ ዒሉሞና ዖኦሲም ዲማዲሢና ዖኦሲ ማላኒ ማዠንቲ ዓኪ ዓሲ ማዑሞቲ።

25 ዩያሮ ሉኡዙሞ ጌሰቲፖቲ! ቢያሢ ኑኡኒ ፔቱ ዑሢኮ ዲማ ዲማ ቤሲ ማዔሢሮ ሴካና ሃንጋና ጎኑሞ ኑ ጌሰቶም። 26 ዒንሢ ደጋዴያ ማዔቲያ ጎሜ ማዓንዳ ጎይሢ ዔኪ ዓኣዲፖቲ፤ ደጎ ዒንሢኮ ዒንሢ ሃሹሞንቲ ዓቢ ጌሎፓ፤ 27 ሃሢ ፃላሃማኣ ቤሲ ጌሢፖቲ። 28 ዉኡቃያ ዓኣቲ ሃይፓ ሴካ ዉኡቆፓ፤ ዩያይዳፓ ሜታዴ ዓሲያ ማኣዳንዳ ሚኢሺ ዴንቃኒ ፔ ኩቻ ደዲ ማማዶንጎ። 29 ፔቲታያ ዒንሢኮ ደንጋፓ ፑርታ ዑኡሲ ኬሰኮፓ፤ ጋዓንቲ ዓሲ ደዲሻና ፓሢ ባኣዚና ጌሰቱሞቲ። 30 ዒንሢ ጋፒ ዓይላቶፓ ሻንቁንቲ ኬሰካንዳ ኬሎ ጎናሲ ዔርዛኒ ዖኦሲ ዒንሢሞ ዒንጌ፥ ጌኡኩ ዓያኖ ዖዲሲፖቲ። 31 ዒንሢዳፓ ፑርቲሞ ማላሢ፥ ደጋ፥ ጎሪንቲ፥ ዒላቲ፥ ጫሺንታ ዓይጌያ ፑርታ ባኣዚ ቢያ ሃኮንጎ። 32 ሞላ ሴካና ሃንጋና ኮሺ ዓሲ

4:16 4:16 ቆላ. 2:19። 4:22 4:22 ቆላ. 3:9። 4:24 4:24 ማዢ. ማፃ 1:26፤ ቆላ. 3:10። 4:25 4:25 ዛካ. 8:16። 4:26 4:26 ዓይኑ. 4:4።

ሃሣ ወለም ማላ ዓሲና ማዑዋቲ፤ ያኦሲ ኪሪሰቶሴ ዛሎና ዒንሢም ዓቶም ጌዔሢጉዲ ዒንሢም ወለም ዓቶም ጋዓያ ማዑዋቲ።

5

ፖዒ ናንጊ ናንጊሢ

1 ዓካሪ ዒንሢ ያኦሲ ዒንሢ ናሽካያ፡ ዒዛኮ ናኣቶ ማዔሢሮ ዒዛ ማሎዋቲ። 2 ኪሪሰቶሴ ኦና ናሽኬሢና ያኦሲ ዋዛሳ ሳውሞ ዓኣ ዒንጎ ባኣዚ ማሂ ፔ ሸምፓሢ ኦ ጋይቲ ዓኣሢ ዒንጌሢጉዲ ዒንሢም ናሹሞና ናንጉዋቲ።

3 ማቾ ሃሣ ዓሢ ማዒባኣያና ላሂሢ፡ ቦርሲሳ ማዶ፡ ዓሲሮ ዛጊ ሱኡካዲሢ ማዔቲያ ዒንሢ ባኣካ ጴዶፓ፤ ዩይ ጌኤሽ ማዔ፡ ያኣዛሢ ዴሬም ኮይሳ ማዶቱዋሴ፤ 4 ዒንሢ ያኦሲ ጋላታንዳኣፓዓቲም ቦርሲሳ ባኣዚና ፓሣ ባኣዚባኣ ጊኢጉዋ ሃይሴ ጌሰታንዳያ ኮይሱዋሴ። 5 ማቾ ሃሣ ዓሢ ማዒባኣያና ላሃያኮ፡ ቦርሲሳ ማዶ ማዶያኮ፡ ሜሌ ካኣሽ ካኣሽኪሢጉዲ ዓሲሮ ዛጊ ሱኡካዲ ዓሲኮ ኪሪሰቶሴና ያኦሲ ካኣቱሞናይዳ ቤሲባኣያ ማዓንዳሢ ዒሩዋቲ።

6 ዩንሢ ባኮንሢ ዛሎና ያኦሲም ዓይሢንቱዋ ዓሶ ዑፃ ዒዛኮ ጎሪንቲ ሙካንዳሢሮ ያኣኢያ ዒንሢ ጉሪ ማዔ ሃይሴና ጌሾፓ። 7 ዩያሮ ዩንሢ፡ ዒዛም ዓይሢንቱዋ ዓሶና ዋላ ፔቲ ማዒፖቲ። 8 ቤርታ ዒንሢ ዲሚዳ ናንጋኔ፤ ሃሢ ጋዓንቲ ጎዳና ፖዓ ዒንሢ ዓኣሢሮ ፖዓ ዓሳ ናንጋ ጎይያ ናንጉዋቲ። 9 ዓይጎሮ ጌዔቲ ኮሹሞ ቢያ፤ ዪሉሞንታ ጎኑሞንታኮዋ ዓኣፒ ጴዳሢ ፖዒዳፓኬ። 10 ዩያሮ ጎዳ ዋዛሳያ ማዓ ባካ ዓይጎታቲያ ዲማሲ ዔሩዋቲ። 11 ዓኣፒባኣ ዲሞ ማዶ ዒንሢም ማዳያ ማዒፖቲ፤ ፖዓ ኬሲ ፔጋሲ ዳውዋቲ። 12 ዲሞ ማዶ ማዳ ዓሳ ዓኣቺ ማዳ ባኮ ዛሎ ኬኤዛኒታፖ ቦርሳያኬ። 13 ቢያ ባኣዚ ፖዒዳ ኬሰካዛ ዩይ ዓይጎ ማዔቲያ ጌኤሽኪ ዔርታኔ። 14 ዎይቲ ጌዔቲ ቢያ ባኣዚ ፔጋሲ ዳዋሢ ፖዒታሢሮኬ፤ ዩያሮ፡

«ኔኤኒ ሃይ ጊንዓሣ ጴጤ፤ ሃይባፓ ዔቆ!

ኪሪሰቶሴ ኔኤም ፖዓንዳኔ» ጌይንቲኔ።

15 ዓካሪ ዒንሢ ዎማይዲ ናንጋንዳቲያ ኮሺ ማሎዋቲ፤ ዔራ ዓሲ ማዑዋቲ፤ ዔኤያ ዓሲ ጎይሢ ናንጊፖቲ። 16 ሃይ ዎዳ ፑርታ ማዔሢሮ ዓይጎ ካራና ማዔቲያ ዒንሢ ዴንቄ ዎዶማና ማዳ ባኮ

4:32 4:32 ቆላ. 3:13። 5:2 5:2 ኬሲ. ማፃ 29:18፤ ዓይኡ. 40:6።

ዴሪ ማደቀቱ። 17 ዬያሮ ጎዳኮ ማሊፃ ዓይጎታቱያ ዴራያ ማዕቀቱ፤ ዴኤያ ማዕረጎቱ።

18 ዲንሢ ሳይሲንታ ባንሢ ዴኪ ዓኣዲያታሢረ ዲጋሢ ዑሺና ማሢንቲጎቱ፤ ዬያይዲፓ ዓያና ጌኤሺ ቢታንቶ ዴሞ ጌላያ ማዕቀቱ። 19 ያኦሲም ማዓ ዓይኑሞና ያኦሲ ሄርሺ ሄርሺ ዲንሢ ዋላ ቡኬ ዋዶና ዓይናዲቀቱ፤ ዬያይዲ ዲኔፓ ጎዳ ጋላቱቀቱ። 20 ኑ ጎዳሢ ዬሱሰ ኪሪሰቶሴ ሱንያና ቢያ ባኣዚሮ ያኦሲ፣ ዓዳሢ ቢያ ዋዶ ጋላቱቀቱ።

21 ኪሪሰቶሴ ቦንቸሮ ጌዒ ዲንሢ ፔቱ ፔቱሢ ዋለም ዓይሢንታያ ማዕቀቱ።

ዓኒና ማቸና ዛላ

22 ዲንሢ፣ ላኣሎ ናኣታ! ጎዳ ዬሱሴም ዲንሢ ዓይሢንታሢጉዲ ዲንሢኮ ዓኒንሢም ዓይሢንቱቀቱ፤ 23 ዓይጎሮ ጌዔቱ ኪሪሰቶሴ ሺኢጲያ ማኣሮ ዓሶኮ ዑፃ ቶኦኪ ማዔሢጉዲ ዓኒያ ማቸኮ ቶኦኪኬ፤ ዬያጉዲ ኪሪሰቶሴ ፔኤኮ ዑያ ማዔ፣ ሺኢጲያ ማኣሮ ዓሶ ዲቁሻሢኬ። 24 ሺኢጲያ ማኣሮ ዓሳ ኪሪሰቶሴም ዓይሢንታሢጉዲ ማቸንሢ ቢያ ባኣዚና ፔ ዓኒንሢም ዓይሢንቶንጎ።

25 ዲንሢ፣ ዓቲንቃ! ኪሪሰቶሴ ሺኢጲያ ማኣሮ ዓሶ ናሽኬሢና ፔ ቶኦኮሞ ዴያቶ ጋቱ ሃይቢም ዓኣሢ ዲንጌሢጉዲ ዲንሢያ ዲንሢ ላኣሎ ናሽኮቀቱ፤ 26 ኪሪሰቶሴ ዬያ ማዳሢ ሺኢጲያ ማኣሮ ዓሳ ያኦሲም ዲማዳያ ማዓንዲጉዲ ጌይኬ፤ ዒ ዴያቶ ያኦሲም ዲማሴሢያ ቃኣሎ ዛሎና ሃሢ ዋኣሢናኣ ማሰኪ ጌኤሺኬ።

27 ዬያይዲ፡- ኪንሢ፣ ዓኣፒ ካራ ቱኪሢ፣ ፑርታ ባኣዚያ ፔቱታያ ባኣያ፣ ጌኤሺ፤ ሃሢ ሚዛጲ ሺኢጲሢ ማኣሪ ዓሲ ማሢ ፔ ቤርቶ ዲንሢ ዒ ሺኢሻኒኬ። 28 ዓኒንሢ ፔና ናሽካሢጉዴያ ፔ ማቸንሢ ናሽካኒ ኮይሳኔ፤ ፔ ማቸ ናሽካሢ ፔና ናሽካኔ። 29 ዋይቲ ጌዔቱ ፔና ዒፃ ዓሲ ያኦኒያ ባኣኦ፤ ጋዓንቱ ኪሪሰቶሴ ሺኢጲያ ማኣሮ ዓሶ ሙኡዚ ሙኡዚ ካፓ ጎይያ ዒዚ ሙኡዚ ሙዒ ሙዒ ፔናኣ ካፓኔ።

30 ኦኡኒ ኪሪሰቶሴ ዑያኮ ዲማ ዲማ ቤዘኬ፤ 31 «ዓሲ ዬያሮ ዓዶና ዓንዶና ሃሺ ማቸና ዋላ ፔቱ ማዓኔ፤ ላምዖንሢያ ፔቱ ዓሲ ዑሢጉዲ ማዓኔ» ጌይንቱኔ። 32 ዬይ ዴኤፒ ዓኣሺንቱ ባኣዚኬ፤ ሃያ ታ ጋዓሢ ኪሪሰቶሴና ሺኢጲያ ማኣሮ ዓሶና ማላታ ማሢኬ። 33 ጋዓንቱ ሃይ

5:16 5:16 ቆላ. 4:5። 5:20 5:20 ቆላ. 3:16-17። 5:22 5:22 ቆላ. 3:18፤ 1ጴፂ. 3:1። 5:25 5:25 ቆላ. 3:19፤ 1ጴፂ. 3:7። 5:31 5:31 ማዢ. ማፃ 2:24።

ባካ ዒንሢሚማ ማዓያኬ፤ ዬያሮ ዓኒ ፔ ማቾ ፔናጉዲ ማሂ ናሽኮንጎ፤ ማቻኣ ዓኒ ቦንቾንጎ።

6

ናኣቶና ሾዔ ዓሶና ዛላ

1 ናይዮቴ! ጎዳ ዬሱሴሮ ዒንሢሚማ ዓይጾና ዒንሢሚ ሾዔ ዓሶም ዓይሢንጉቱዋቴ፤ ዓይጎሮ ጌዔቴ ዬይ ባካ ኮይሳያታሢሮኬ። 2 «ኔ ዓደና ኔ ዒንደና ቦንቾ» ጋዓ ቤርታኣ ዓይሢሚያይዳ ዓኣ ሃጊ ማዓ ዋዛ። 3 «ቢያ ባኣዚ ኔኤም ኮሽካንዳኔ፤ ናንጎ ለዓኣ ሳዓ ኔኤም ያደቃንዳኔ» ጋዓያኬ።

4 ዒንሢሚ ሾዔ ዓሶ! ጎዳ ዬሱሶ ኪሪሰቶሴ ዓይሢሚ ዓይሢሚ ጎይያ ዘሪ ዲቾዋቴ፤ ናኣቶ ዒንሢሚኮ ጎሪ ዳጋሲሢሚና ፑርቱሞ ማሊሲሲፖቴ።

ማዲሻ ዓሲና ዓይሌና ዛላ

5 ዓሲም ዓይሌ ማዒ ማዲዘንሢሚዮቴ! ዒንሢሚ ማዲሻያ ማዒ ዓሶም ዒጊቾሞና ቦንቾ ዓይሢሚንጉቱዋቴ፤ ኪሪሰቶሴም ዒንሢሚ ማዲ ጎይያ ፔዜ ዒናና ዓይሢሚንጉቱዋቴ። 6 ዒንሢሚ ዓይሢሚንጉንዳሢያ ያኦሲ ማሊያ ዒናፓ ኩንሣ። ኪሪሰቶሴም ማዲ ዓሶጉዲ ማዓንዳኣፓ ዓቴም ዓሲ ዋዛሳኒ ጌዒ ዓሲ ቤርቱም ጴዲሢሚ ማዖፓ። 7 ዓሲም ማዒ ባኣንጉ ጎዳ ዬሱሶ ኪሪሰቶሴም ማዲያ ማዒ ናሽኪ ኮሺ ማሊሢና ማዲዋቴ። 8 ዓይጎሮ ጌዔቴ ዓይላሢ ማዒቴያ ማዲሻሢ ፔቴ ፔቴሢ ማዲ ኮዦ ማዲሮ ጎዳ ዬሱሴ ኮይላፓ ዒንጊንታ ባኣዚ ዔካንዳያ ማዒሢ ዒንሢሚ ዔራኔ።

9 ሃሣ ዒንሢሚ ዓሶ ማዲሻ ዓሶ! ዓሲ ዲማሱዋ። ዒንሢሚንታ ዔያቶንታኮ ጎዳ ጫሪንጮይዳ ዓኣሢ ዔሪ ዔያቶ ዲቃሢያ ሃሺጋፓ ዒንሢሚም ማዲ ዓሶም ኮሺ ማዲዋቴ።

ያኦሲ ዒንጋ ያሎ ዓንጋሞ

10 ዓካሪ ጎዳና ዒዛኮ ጴኤፖ ዋልቆና ዲዲዋቴ፤ 11 ፃላሃኮ ጌና ማዲ ዒንሢሚ ባሻኒ ዳንዳዓንዳጉዲ ያኦሲ ዒንጋ ያሎ ዓንጋሞ ቢያ ዓርቁዋቴ። 12 ዓይጎሮ ጌዔቴ ኦኡኮ ያላ ዓሲናቱዋንጉቴ ሃያ ዲሞ ዓጮ ዋይሣ። ቢቶ ማዒያ፤ ሃሣ ሃያ ዓጮኮ ዋልቆ ማዒያ፤ ሳዖ ዑፃ ዠሰራ ዓኣ ፑርቶ ዓያናናኬ። 13 ዬያሮ ያኦሲ ዒንጋ ያሎ ዓንጋሞ ጉቤ

6:1 6:1 ቆላ. 3:20። 6:3 6:3 ኬሲ. ማፃ 20:12፤ ላሚ. ዋማ 5:16። 6:4 6:4 ቆላ. 3:22-25። 6:9 6:9 ላሚ. ዋማ 10:17፤ ቆላ. 3:25፤ 4:1።

ዓርቁዋቲ! ዩያይዲ ፑርታ ኬሊ ዒንሢ ሄላኣና ዒንሢ ሞርካሢኮ
ዋልቆ ቃዚ ጋፒንያ ሄላኒ ያሌሰካፓ ዶዲ ዒንሢ ዔቃኒ ዳንዳዒ።

14 ዓካሪ ዒኢቶ ዓርቃ ቡራሾጉዲ ጎኑሞ ከርና ቱኡቲ፣ ዒሉሞዋ
ያሎሮ ዳዳ ማእያ ዓንጎጉዲ ማይንቲ፣ 15 ኮዡ ሃይሶ ቃኣሎ ቶካ
ዲርሲጉዲ ዓኣሢ፣ ጊኢጊ ዔቆዋቲ፤ 16 ሃሃ ታሚ ሎሰቶጉዲ
ዔኤታ፣ ዓላሄኮ ፓልያ ማንሣኒ ዳንዳዒንዳጉዲ ቢያፓ ዑሣ ማዔ
ጉሙርቁያ ጊቲማ ማሂ ዓርቁዋቲ። 17 ዩያጉዲ ሃሃ ዳቁንቶ ቶኣካ
ዓጎያሎ ዓንጎቆኦጉዲ ዓጊ፣ ያኦሲኮ ቃኣሎዋ ዓያና ጌኤሺ ጨንቻ
ዓፓሮ ማሂ ዓርቁዋቲ። 18 ዒንሢሞ ኮይሳ ባኮ ቢያ ዒንሢ ሺኢቃኣና
ዓያና ጌኤሺና ቢያ ዋዴ ሺኢቁዋቲ፤ ዩያይዲ ዶዲ ጴጤዋቲ፤
ከሪሰቶሴ ጉሙርቃ ዓሶማኣ ቢያ ዋሉዋያ ሺኢቁዋቲ፤ 19 ኮዡ
ሃይሶኮ ዓኣሺንቲ ባኮ ዒጊጨዋያ ታኣኒ ዓሶ ዔርካንዳጉዲ፤ ሃሃ
ታ ኬኤዛ ዋዶና ኮይሳ ቃኣላ ታኣሞ ዒንጊንታንዳጉዲ ሺኢቁዋቲ።
20 ሃሢያ ታ ካሮ ቢራቶና ቱኡቲ ዓኣያ ዩያ ኮዡ ሃይሶኮ ታኣኒ ከኢታ
ዓሲኬ፤ ዩያሮ ታኣሞ ኮይሳሢጉዲ ዒጊጨዋያ ታኣኒ ኬኤዛንዳጉዲ
ሺኢቁዋቲ።

ጋፒንያ ጎራሢያ

21 ኑ ዒዛ ናሽካ፣ ኦኡኮ ዒሻሢ፣ ጎዳ ዩሱሰ ከሪሰቶሴ ማዶ
ጉሙርቁንቲ ማዳያ ማዔሢ፣ ቲከቆሴ ታ ዛሎ፤ ሃሃ ታ ዓይጎ
ማዳቲያ ዒንሢ ዋይዛንዳጉዲ ቢያ ባኮ ዒንሢሞ ዒ ኬኤዛንዳኔ።

22 ዩያሮ ኦኡኒ ዋይቲ ዓኣቲያ ዒንሢ ዔራንዳጉዲና ዒንሢያ ዒ
ዶዲሻንዳጉዲ ጌዒ ዒዛ ታ ዒንሢ ኮይላ ዳኬ።

23 ያኦሲ፣ ዓዳሢና ጎዳ ዩሱሰ ከሪሰቶሴናይዳፓ ማዔ ኮሹሞና
ናሹሞና ሃሃ ጉሙርቁሢና ዋላ ከሪሰቶሴ ጉሙርቃዞንሢሞ ቢያ
ማንጎ። 24 ጋፑዋ ናሹሞና ኑ ጎዳ፣ ዩሱሰ ከሪሰቶሴ ጉሙርቁ
ናሽካዞንሢሞ ቢያ ያኦሲኮ ኮሹሞ ዒንጊፃ ዒንጊንቲያ ማንጎ።

6:14 6:14 ዒ.ሲ. 11:5፤ 59:17። **6:15** 6:15 ዒ.ሲ. 52:7። **6:17** 6:17
ዒ.ሲ. 59:17። **6:21** 6:21 ዳኪ. ማዶ 20:4፤ 29ሞ. 4:12። **6:22** 6:22 ቆላ.
4:7-8።

ጌሌዥ ማግኔግ
**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929